

Izjava: OHR pozdravlja odluku ministara vanjskih poslova zemalja EU

OHR pozdravlja današnju Odluku ministara vanjskih poslova zemalja Evropske unije o davanju odobrenja Evropskoj komisiji da započne pregovore o potpisivanju Sporazuma o stabilizaciji i pridruživanju Bosne i Hercegovine sa Evropskom unijom.

Ovo je istorijski trenutak za Bosnu i Hercegovinu i njene građane. Također, ovo predstavlja ključni momenat u periodu regionalne tranzicije od stabilizacije ka Evropskoj uniji. Simbolizam 21. novembra je jasan za BiH. Današnja odluka naglašava koliko daleko je BiH otišla za deset godina nakon potpisivanja Dejtonskog sporazuma.

Međutim, brzina kojom se BiH približava Evropskoj uniji zavisit će od toga koliko brzo će država usvajati i provoditi reforme zadate u procesu stabilizacije i pridruživanja, naročito o napretku zemlje u razvoju svojih zakonodavnih i administrativnih kapaciteta, provedbi policijske reforme i zakona o javnom emitiranju, te nastavku potpune suradnje sa Međunarodnim krivičnim tribunalom u Hagu.